

Стандарт, хэмжил зүйн газрын даргын
2018 оны 07 дугаар сарын 09-ны
өдрийн 4/28 дугаар тушаалын хавсралт

Олон улсын стандартын төсөлд санал өгөх журам

1 Нийтлэг үндэслэл

1.1 Стандарт, хэмжил зүйн газар (цаашид СХЗГ гэх) нь Олон улсын стандартчиллын байгууллага (ОУСБ)-ын гишүүний хувьд олон улсын стандартын төсөл боловсруулахад Техникийн хорооны гишүүнчлэлийн “Р” буюу жинхэнэ гишүүн, “О” буюу ажиглагч гишүүний статусаас хамааран олон улсын стандартын төсөлд саналаа өгч оролцоно.

1.2 Энэ журмаар үндэсний стандартчиллын Техникийн хорооны нарийн бичгийн дарга нар болон эрх бүхий ажилтнууд олон улсын стандартын төсөлд санал өгөх, түүнийг хэрэгжүүлэхэд тавих шаардлагыг тогтооно.

1.3 Энэ журмыг ОУСБ-аас ирүүлсэн олон улсын стандартын төсөлд электрон хэлбэрээр санал өгөхөд мөрдөнө.

1.4 ОУСБ-аас ирүүлсэн стандартын төсөлд түлхүүр үг бүхий СХЗГ-ын ажилтан /холбогдох стандартчиллын техникийн хорооны нарийн бичгийн дарга нар/-ыг эрх бүхий санал өгөгч гэнэ.

2 Электрон санал хураалтад оролцох

2.1 ОУСБ-аас санал авахаар тараасан баримт бичиг (шинэ ажлын сэдэв NWIP, техникийн хорооны төсөл ISO/CD, стандартын төсөл ISO/DIS, стандартын эцсийн төсөл ISO/FDIS, бусад баримт бичиг)-ийг электрон файлыг Техникийн хорооны нарийн бичгийн дарга нар isolutions.iso.org сайтаас татаж авна.

2.2 Техникийн хорооны нарийн бичгийн дарга нар хүлээж авсан олон улсын стандартын төсөлд холбогдох байгууллагууд (техникийн хорооны гишүүд болон сонирхогч талууд)-аас санал авна.

2.3 Техникийн хорооны нарийн бичгийн дарга хүлээж авсан саналуудыг нэгтгэн, стандартын төсөлд заасан хугацаанаас 2 долоо хоногийн өмнө эрх бүхий санал өгөгчид саналаа электрон буюу цаасан хэлбэрээр өгнө.

2.4 Эрх бүхий санал өгөгч нь Техникийн хорооны нарийн бичгийн дарга нараас ирүүлсэн саналыг хүлээн авч, стандартын төсөлд заасан санал хүлээн авах эцсийн хугацаанаас өмнө ОУСБ-ын нарийн бичгийн дарга нарын газарт электрон хэлбэрээр явуулна.

2.5 Эрх бүхий санал өгөгч олон улсын стандартын төсөлд заасан хугацаанд нь санал өгөх талаар хяналт тавьж, электрон хэлбэрээр санал өгөх ажлын явцын талаар газрын хуралд улирал тутам мэдээлж байна.

----- О о О -----